

اتوار 19 اپریل، 2020

مضمون۔ کفارے داعقیدہ

سنہری متن: 2 توارخ 34 باب 27 آیت

”کیوں جے تیرا دل پگھل گیا تے تُوں رب دے حضور عاجزی کیتی جدوں تُوں اوہدیاں اوہ گلاں سُنیاں جیہڑیاں اوہنے ایس تھان تے ایہدے رہن والیاں دے خلاف آکھیاں نیں تے اپنے آپ نوں میرے حضور خاکسار بنایا تے اپنے کپڑے پھاڑ کے میرے آگے رویا ایس لئی میں وی تیری سُن لئی ایہہ خداوند آکھد اے۔“

جوابی پڑھائی: ایوب 22 باب 21 توں 23، 25 توں 29 آیتاں

- 21۔ اوہدے نال ملیا رہ تے سلامت رہویں گاتے ایہدے نال تیرا بھلا ہووے گا۔
- 22۔ میں تیری منت کرداواں پئی شریعت نوں اوہدی زبانی مَن تے اوہدیاں گلاں نوں اپنے دل وچ رکھ۔
- 23۔ جے تُوں قادر مطلق ول پھریں تے بحال کیتا جاویں گا۔ ایس شرط تے پئی تُوں ناراستی نوں اپنے خیمیاں توں دور کر دیویں۔
- 25۔ فیر قادر مطلق تیرا خزانہ تے تیرے لئی قیمتی چاندی ہووے گا۔

- 26- کیوں بے فیرای تُوں قادر مطلق وچ مسرور رہو نوں گاتے رب ول اپنامنہ چکھیں گا۔
- 27- تُوں اوہدے تُوں دعا کریں گاتے اوہ تیری سنے گاتے تُوں اپنیاں منتاں پوریاں کریں گا۔
- 28- جیس گل نوں تُوں آکھیں گا اوہ تیرے لئی ہو جاوے گی تے اوہ تیریاں راہواں نوں روشن کرے گا۔
- 29- جدوں اوہ پست کرن گے تُوں آکھیں گا اچھیاں ہو گئی۔ تے اوہ حلیم بندے نوں بچاوے گا۔

درسی وعظ

بائبل وچوں

1- 1 تواریخ 28 باب 9 (جان لے) (توں؛) آیت

9-۔۔۔ اپنے پیو دے رب نوں پچھان تے پورے دل تے روح دی مستعدی نال اوہدی عبادت کر کیوں بے خداوند سارے دلاں نوں جانچ دا لے تے جو کجھ خیال وچ آؤند اے اوہنوں پچھان دا لے۔ بے تُوں اوہنوں لہھیں تے اوہ تینوں مل جاوے گا۔

2- زبور 1:63، 3، 6، 7 آیتاں

بائبل دا ایہ سبق پلین فیلڈ کرچن چرچ، آزادولوں تیار ہو یا لے۔ ایہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سانس دی درسی کتاب، ”انس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

- 1- اے رب! توں میرا رب ایں۔ میں دل توں تیرا طالب ہونواں گا۔ خشک تے تریائی دھرتی وچ جتھے پانی نئیں، میری جان تیری تریائی تے میرا بدن تیرا مشتاق اے۔
- 2- ایس طراں میں مقدس وچ تیرے اُتے نگاہ کیتی تاں جو تیری قدرت تے حشمت نوں ویکھاں۔
- 3- کیوں جے تیری شفقت حیاتی توں چنگی اے۔ میرے ہونٹ تیری تعریف کرن گے۔
- 6- جدوں میں بسترے اُتے تینوں یاد کراں گاتے رات دے اک اک پہر وچ تیرے اُتے دھیان کراں گا۔
- 7- ایس لئی پئی توں میرا مدد گارا ایں تے میں تیرے پراں دے پر چھانویں وچ خوشی منانواں گا۔

3- میکاہ 6 باب 8 (ایہدے توں علاوہ کیہ) آیت

- 8-۔۔۔ خداوند تیتھوں ایہدے توں علاوہ کیہ چاؤندا اے پئی توں انصاف کریں تے رحمدلی نوں عزیز رکھیں تے اپنے رب دے حضور فروتنی نال ٹریں؟

4- زبور 10:4، 5 (توں)، 6 آیتاں

- 4- شریرا اپنے تکبر وچ آکھدا اے پئی اوہ باز پُرس نئیں کرے گا۔ اوہ اخیال سراسر ایہہ اے پئی کوئی رب نئیں۔

5- اوہدیاں راہواں ہمیشہ اُستوار نیں۔

6- اوہ اپنے دل وچ آکھدا اے میں جنبش نئیں کھاناں گا۔ پیڑی توں پیڑی تیکر میرے اُتے کدی مصیبت نئیں آوے گی۔

5- زبور 22:50 (توں دو جا،) آیت

22- ہن اے رب نوں بھلن والیو! ایہہ سوچ لو۔

6- یعقوب 4 باب 1 توں 4، 6، 8، 10 آیتاں

1- تہاڈے وچ لڑائیاں تے جھگڑے کتھوں آگئے؟ کیہ اوہناں خواہشاں توں نئیں جیہڑے تہاڈے اعضا وچ فساد کردے نیں؟

2- تسی خواہش کردے اوتے تہانوں ملد انئیں۔ خون تے حسد کردے اوتے کجھ حاصل نئیں کر سکدے۔ تسی جھگڑدے تے لڑدے او۔ تہانوں ایس لئی نئیں ملد اپنی منگ دے نئیں۔

3- تسی منگ دے اوتے پاؤندے نئیں ایس لئی پئی بُری نیت نال منگ دے اوتتاں جو اپنی عیش و عشرت نال خرچ کرو۔

- 4- اے زنا کرن والیو! کیہ تہانوں نسیں پتہ پئی جگ نال دوستی رکھنا رب نال ویر رکھنا اے؟ ایس لئی جیہڑا کوئی جگ دادوست بننا چاؤند اے اوہ اپنے آپ نوں رب دا ویری بناؤند اے۔
- 6- اوہ تے بوہتی توفیق بخشدا اے۔ ایس لئی ایہہ لکھیا اے پئی رب مغروراں دا مقابلہ کردا اے پر فروتاں نوں توفیق بخشدا اے۔
- 7- ایس لئی رب دے تابع ہو جاو تے ابلیس دا مقابلہ کرو تے اوہ تہاڈے کولوں نس جاوے گا۔
- 8- رب دے نیسٹے جاؤ تے اوہ تہاڈے نیسٹے آوے گا۔ اے پاپو! اپنے ہتھیاں نوں صاف کرو تے اے دودلو! اپنے دلاں نوں پاک کرو۔
- 10- رب دے سامنے فروتنی کرو۔ اوہ تہانوں اُچا کرے گا۔

7- مرقس 1 باب 1 آیت

1- یسوع مسیح رب دے پتردی خوشخبری دا شروع۔

8- متی 5 باب 1 توں 3، 5، 6 آیتاں

1- اوہ اوس جتھے نوں ویکھ کے پہاڑ اُتے چڑھ گیا تے اوہدے چیلے اوہدے کول آئے۔

2- تے اوہ اپنی زبان کھول کے اوہناں نوں ایخ تعلیم دین لگیا۔

- 3۔ دھن نیں اوہ جیہڑے دل دے غریب نیں کیوں بے آسمان دی بادشاہی اوہناں دی ای اے۔
- 5۔ دھن نیں اوہ جیہڑے حلیم نیں کیوں بے اوہ دھرتی دے وارث ہون گے۔
- 6۔ دھن نیں اوہ جیہڑے راستبازی دے پگھے تے تریائے نیں کیوں بے اوہ ر جھن گے۔

9۔ لوقا 18 باب 9 توں 27 آیتاں

- 9۔ فیراوتے کئی لوکاں نوں جیسرے اپنے آپ اتے بھروسہ رکھدے سی پئی آسی راستباز آں تے باقی بندیاں نوں ناچیز جان دے سی ایہہ تمثیل آکھی۔
- 10۔ پئی دو بندے ہیکل وچ دعا کرن گئے۔ اک فریسی۔ دو جا محصول لین والا۔
- 11۔ فریسی کھلوکے اپنے دل وچ ایہی دعا کرن گیا پئی اے میرے رب! میں تیرا شکر ادا کرداں پئی باقی بندیاں وانگر ظالم، بے انصاف، زناکار یا ایس محصول لین والے وانگر نیں آں۔
- 12۔ میں ہفتے وچ دو واری روزہ رکھداتے اپنی ساری آمدنی اتے دے کی دینا نوں۔
- 13۔ پر محصول لین والے نے دور کھلوکے ایناں وی نہ چاہیا پئی آسمان ول اکھ چکے بلکہ چھاتی پٹ پٹ کے آکھیا اے خداوند! میرے پاپی اتے رحم کر۔
- 14۔ میں تہانوں آکھداں پئی ایہہ بندہ دو جیاں نالوں راستباز ٹھہر کے اپنے گھر گیا کیوں بے جیہڑا کوئی اپنے آپ نوں وڈھا بناوے گا اوہ چھوٹا کیتا جاوے گا تے جیہڑا اپنے آپ نوں چھوٹا بناوے گا اوہ وڈھا کیتا جاوے گا۔

15- فیر لوک اپنے چھوٹے بچیاں نوں وی اوہدے کول لیاؤن لگے تاں جو اوہناں نوں چھو وے تے چیلیاں نے ویکھ کے اوہناں نوں جھڑ کیا۔

16- پر یسوع نے بچیاں نوں اپنے کول بلا یاتے آکھیا بچیاں نوں میرے کول آؤن دیووتے اوہناں نوں منع نہ کرو کیوں بے رب دی بادشاہی اجیسیاں دی ای اے۔

17- میں تہاں نوں سچ آکھداں واں پئی جیہڑا کوئی رب دی بادشاہی نوں بچے وانگر نہ منے اوہ اوہدے وچ بالکل نئیں وڑھے گا۔

18- فیر کسے سردار نے اوہدے توں ایہہ سوال کیتا پئی اے نیک استاد! میں کیہ کراں تاں جو ہمیشہ دی حیاتی دا وارث بنا؟

19- یسوع نے اوہنوں آکھیا توں مینوں کیوں نیک آکھداں؟ کوئی نیک نئیں پر اک یعنی رب۔

20- توں حکماں نوں تے جان دا ایں۔ زنانہ کر۔ خون نہ کر۔ چوری نہ کر۔ جھوٹی گواہی نہ دے۔ اپنے پیو دی تے ماں دی عزت کر۔

21- اوہنے آکھیا پئی میں لڑکپن توں ایہناں ساریاں اُتے عمل کیتا اے۔

22- یسوع نے ایہہ سُن کے اوہنوں آکھیا ہالے تیکر تیرے وچ اک گل دا گھاٹا اے۔ اپنا سب کجھ وچ کے غریباں نوں ونددے۔ تینوں آسمان اُتے خزانہ ملے گاتے آکے میرے مگر ٹر۔

23- ایہہ سُن کے اوہ بوہت دکھی ہوئیا کیوں بے بوہت دو لتمند سی۔

24- یسوع نے اوہنوں ویکھ کے آکھیا پئی دو لتمند اں دارب دی بادشاہی وچ وڑھنا کنہاں اوکھا اے۔

25- کیوں بے اونٹھ داسوئی دے نکے وچوں نکل جانا ایہدے توں آسان اے پئی دو لتمند رب دی بادشاہی وچ وڑھے۔

26- سنن والیاں نے آکھیاتے فیر کون مکتی پاسکدا اے؟

27- اوہنے آکھیا جیہڑا انسان توں نہیں ہو سکدا اوہ رب توں ہو سکدا اے۔

10- یوحنا 10 باب 23 توں 30 آیتاں

23- تے یسوع ہیگل دے اندر سلیمانی برآمدے وچ پھر رہیاسی۔

24- ایس لئی یہودیایاں نے اوہدے آلے دوالے جمع ہو کے اوہنوں آکھیا توں کدوں تیکر ساڈے دلاں نوں ڈانوانڈول رکھیں گا؟ جے توں مسیح ایس تے ساہنوں صاف آکھدے۔

25- یسوع نے اوہناں نوں جواب دتا پئی میں تے تہانوں آکھ دتا پر تسی یقین نہیں کردے۔ جیہڑے کم میں اپنے پیو دے ناں توں کرداواں اوہ ای میرے گواہ نہیں۔

26- پر تسی ایس لئی یقین نہیں کردے پئی میریاں بھیدیاں وچوں نہیں او۔

27- میریاں بھیدیاں میری آواز سن دیاں نہیں تے میں اوہناں نوں جان داں واں تے اوہ میرے مگر مگر ڈریاں نہیں۔

28- تے میں اوہناں نوں ہمیشہ دی حیاتی بختداں واں تے اوہ ہمیشہ تیکر کدی ہلاک نہ ہوون گیاں تے کوئی اوہناں نوں میرے ہتھوں کھونہ لوے گا۔

29- میرا پیو جنھے مینوں اوہ دیتیاں نہیں ساریاں توں وڈھا اے تے کوئی اوہناں نوں میرے پیو دے ہتھوں کھو نہیں سکدا۔

30۔ میں تے پیواک واں۔

11۔ یوحنا 14 باب 10 (پیو جیہڑا) آیت

10۔۔۔۔ پیو میرے وچ رہ کے اپنے کم کرداے۔

12۔ یوحنا 8 باب 29 آیت

29۔ تے جنھے مینوں گھلایاے اوہ میرے نال اے۔ اوہنے مینوں گلائیں چھڈیا کیوں جے میں ہمیشہ اوہ ای کم کرداے واں جیہڑے اوہنوں پسند آؤندے نیں۔

سائنس تے صحت

1۔ 23-20:316

مسیح اک ناقابل تسخیر انسان پیش کرداے جنہوں روح خلق کردی، بناؤندی تے حکومتی کردی اے۔ اوس رب یعنی اوہدے الہی اصول دے نال انسان دی شراکت نوں مسیح بیان کرداے جیہڑا انسان نوں پورے جگ اُتے اختیار دیندا اے۔

2- 70:7-9

انسان رب کدی نہیں ہندا بلکہ روحانی انسان رب دی شکل اُتے بنایا گیا تے اوہ رب نوں منعکس کردا اے۔
سائنسی پرچھانویں وچ انا تے پیو غیر منطک نہیں۔

3- 588:9-19

میں، یا انا۔ الہی اصول؛ روح، جان؛ غیر مادی، غیر منطقی، لافانی تے ابدی سیان۔

ابھتھے صرف اک میں یا اسی آں، صرف اک الہی اصول یا سیان اے جیہڑی سارے وجود رکھن والے مرد تے عورتاں اُتے حکمرانی کردی اے جیہڑی اپنے انفرادی کردار وچ ہمیشہ اونچ ای رہندی اے، فیروی اوہ صرف اک اصول دے بیٹھاں ہندے نیں۔ رب دی تخلیق دیاں ساریاں شیواں اک سیان دی عکاسی کردیاں نیں، تے جیہڑا کوئی اوس اک سیان دی عکاسی نہیں کردا اوہ جھوٹا تے غلط اے، ابھتھوں تیکر پئی ایہہ عقیدہ وی پئی حیاتی، مواد تے ذہانت مادی تے ذہنی دونوں نیں۔

4- 17-14:281

اک خودی، اک سیان یاروح جنہوں رب آکھیا جاندا اے لامتناہی انفرادیت اے، جیہڑا ساراروپ تے
خوبصورتی عطا کردا اے تے جیہڑا انفرادی تے روحانی انسان تے شیواں وچ اصلیت تے الوہیت دا پرچھانواں
بن دا اے۔

5- 13-6:250

فانی وجودیت اک سُنفاں اے؛ فانی وجودیت دی کوئی اصلی ہستی نہیں اے بلکہ ایہہ آکھیا جاندا اے ”ایہہ انا
اے۔“ روح اک خودی اے جیہڑی سُنفاں کدی نہیں دیکھدی بلکہ ساریاں گلاں نوں سمجھدی اے؛ جیہڑی
کدی غلطی نہیں کردی تے ہمیشہ جاگدی رہندی اے، جیہڑی کدی ایمان نہیں رکھدی بلکہ جان دی اے جیہڑی
کدی پیدا نہیں ہندی تے نہ مردی اے۔ روحانی انسان ایس خودی دی شکل اے۔ انسان رب نہیں اے بلکہ
لودی اوہ کرن اے جیہڑی سورج توں نکلی اے، انسان یعنی رب توں نکلیا ہو گیا، رب نوں منعکس کردا اے۔

6- 20-16:361

پانی دا اک چھٹا سمندر دے نال اک اے، لودی اک کرن سورج نال اک اے، ایسے طراں رب تے انسان، پیو تے پتر ہستی وچ اک نیں۔ کلام آکھدا اے: ”کیوں جے اوہدے وچ ای اسی جیوندے آل تے ٹردے پھر دے تے موجود آل۔“

7- 21-19:42

ایہہ عقیدہ پئی انسان رب توں وکھرا وجود یا سیان رکھدا اے فنا ہون والی اک غلطی اے۔ ایہداسا منایسوع نے الہی سائنس دے نال کیتا تے ایہدے عدم نوں ثابت کیتا۔

8- 16-3:315

مالک دے ایس اکھان نے پئی ”میں تے پیواک واں“ اوہنوں ربیاں دے روایتی نظریے توں وکھرا بنایا۔ رب دے بارے اوہدی چنگی سمجھ اوہناں لئی جھڑکاں سی۔ اوہ بس اک سیان نوں جان داسی تے کسے دو جے اُتے اوہنے کوئی دعویٰ نہیں کیتا۔ اوہ جان داسی پئی اناسیان سی نہ کہ بدن سی تے ایہہ پئی مادا، پاپ تے بدی سیان نہیں سی؛ تے الہی سائنس دی ایہہ سمجھ اوہدے اُتے زمانے دی بھٹکار لیاؤن دی وجہ بنی۔

لوکاں دے مخالف تے جھوٹے نظریاں نے مسیح دی رب دے نال حیاتی نوں اوہناں دے فہم توں لکو کے رکھیا۔ اوہ اوہدی روحانی وجودیت دا شعور نہ پاسکے۔ اوہناں دے بدنی ذہن ایہدے نال ویر رکھدے سی۔

اوہناں دے خیال رب دے اوس روحانی نظریے دی بجائے جنہوں مسیح یسوع نے پیش کیتا فانی غلطی نال
بھرے ہوئے سی۔

9 - 24-22:270

کہانت داتکبر ایس جگ داشہزادہ اے۔ ایہدا مسیح وچ کجھ نہیں اے۔ حلیمی تے خیرات وچ الہی اختیار اے۔

10 - 32-27:228

حلیم ناصر نے ایس مفروضے نوں رد کردتا سی پئی پاپ، بیماری تے موت وچ کوئی طاقت اے۔ اوہنے ایہناں
نوں بے اختیار ثابت کیتا۔ ایہنوں کاہناں دے تکبر نوں حلیم بنا دینا چاہیدا سی جدوں اوہناں نے مسیحت دے
اظہار نوں اوہناں دے مردہ ایمان تے رسماں دے تاثر توں آگے ودھدیاں ویکھیا۔

11 - 5-2:448

اٹھاپن تے خود کار راستبازی بریائی دے نال بوہت مضبوطی نال جڑے ہندے نیں۔ جدوں محصول لین
والے دی آہ محبت دے وڈھے دل توں نکلی تے ایسے اوہدی حلیم خواہش نوں فتح کیتا۔

12-3:18 -12

یسوع ناصری نے انسان تے انسان دے اکٹھ نون بیان کیتا، تے ایہدے لئی ساڈے اُتے اوہدی بوہت زیادہ عقیدت دابھارے۔ اوہدا مشن انفرادی تے اجتماعی دونویں سی۔ اوہنے حیاتی دامناسب کم پورا کیتا نہ صرف اپنے انصاف لئی بلکہ انساناں اُتے رحم دے پاروں اوہناں نون ایہہ دکھان لئی پئی اوہناں نے اپنا کم کینویں کرنا اے، بلکہ نہ تے آپ اوہناں لئی کرن یا نہ ای اوہناں نون کسے ذمہ داری تون آزاد کرن لئی ایہہ کیتا۔ یسوع نے جرأت نال حساں دے منے ہوئے ثبوت دے خلاف، منافقانہ عقیدیاں، مشقیاں دے خلاف کم کیتا، تے اوہنے اپنی شفا دین والی طاقت دے راہیں اپنے سارے مخالفان دی تردید کیتی۔

24-17:19 -13

توبہ تے ڈکھاں داہرا حساس، اصلاح دی ہر کوشش، ہر چنگی سوچ تے کم پاپ لئی یسوع دے کفارے نون سمجھن وچ مدد کرن گے تے ایہدی افادیت وچ وی مدد کرن گے؛ پر جے پاپی پاپ کرنا تے توبہ کرنا، پاپ کرنا تے معافی منگنا جاری رکھدا اے، تے کفارے وچ، رب دے نال ایکا کرن وچ اوہدا بوہت گھٹ حصہ ہووے گا، کیوں جے اوہدے وچ عملی توبہ دا گھاٹا اے، جیہڑی دل دی اصلاح کردی تے انسان نون حکمت دی مرضی نون پورا کرن دے قابل بناؤندی اے۔

14- 32-26:25

استاد اُتے پورا ایمان تے اوہ سارا جذبائی پیار جیہڑا اسی اوہدے اُتے نچھاور کر سکدے آں، بس ایہہ ای ساہنوں اوہدے مگر ٹرن والے نئیں بناؤن گے۔ ساہنوں جا کے اوہدے وانگرا ای کم کرنا چاہیدا اے، نئیں تے اسی اوہناں وڈھیاں برکتاں نوں نئیں ودھارہے جیہڑیاں ساڈے مالک نے ساہنوں دین لئی کم کیتا تے تکلیف سہی۔ مسیح دی الوہیت دا اظہار یسوع دی انسانیت وچ کیتا گیا سی۔

15- 22-3:22

پینڈولم وانگر پاپ تے معافی دے وچکار لمکدیاں ہوئے، خود غرضی تے نفس پرستی نوں لگانا تنزلی دی وجہ ہندیہاں ہوئے ساڈی اخلاقی ترقی ہو لی ہو جاوے گی۔ مسیح دے مطالبے اُتے جاگن نال انسان مصیبتاں دا تجربہ کردے نیں۔ ایہہ اوہناں نوں اک ڈبڈے ہوئے بندے وانگر رب نوں ایہناں نوں بچان دی پوری کوشش کرن دی ترغیب دیندا اے؛ تے مسیح دے قیمتی لوڈے راہیں ایہہ کوششاں کامیابی دا سہرا بنھدیاں نیں۔

”اپنی مکتی لئی کوشش کرو“، ایہہ حیاتی تے پیار دی مانگ اے، کیوں جے ایہتھے تیکر پہنچن لئی رب تہاڈے نال کم کردا اے۔ ”تسی قائم رہو وجدوں تیکر میں نہ آنواں!“ اپنے اجر دی اڈیک کرو، تے ”نیک کم کرن وچ ہمت نہ ہارو۔“ جے تہاڈیاں کوششاں خوف تے ہراس وچ گھریاں نیں، تے تہانوں ایس ویلے کوئی اجر نئیں مل رہیا، پرت کے غلطی ول نہ جاؤ، تے نہ ای ایس دوڑ وچ سست ہو جاؤ۔

جدوں جنگ دادھوواں چھٹ جاندا اے، تسی اوس چنگلیائی نوں جان جاؤ گے جیہڑی تسی کیتی اے، تے تہاڈے
حق دے مطابق تہانوں ملے گا۔ رب ساہنوں آزمائش وچوں کڈھن لئی جلد باز نہیں اے، کیوں جے پیاردا
مطلب اے پئی تہانوں آزمایتے پاک کیتا جاوے گا۔

16 - 1:21، 5، 9-14

جے تہاڈی ہر روزدی حیاتی تے گل بات وچ سچائی غلطی اُتے فتح پارہی اے، تے تسی اخیریں آکھ سکدے او
پئی، ”میں چنگی کشتی لڑ لئی اے۔۔۔ میں ایمان نوں محفوظ رکھیا“، کیوں جے تسی اک چنگے انسان او۔ ایہہ
چنگلیائی تے ایکے وچ حصہ پاؤن والی گل اے۔

جے چیلاروحانی طور تے ترقی کر رہیا اے، تے اوہ اندر آؤن دی کوشش کر رہیا اے۔ اوہ مادی حس توں دور
ہوون دی لگاتار کوشش کر رہیا اے تے روح دیاں ناگن والیاں شیواں نوں لہر رہیا اے۔ جے ایماندار اے
تے اوہ ایماندارى نال ای شروع کرے گا تے ہر دن ٹھیک پاسے ای جاوے گا جدوں تیکر کہ اخیریں اوہ خوشی
دے نال اپنا سفر پورا نہیں کر لیندا۔

روزانہ دے فرض

میری بیکرا ایڈی دلوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کر دا اے، تے اک مسیحی سائنسدان پاپ نوں رد کر دیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں دیاں چھانواں بن دا اے۔ ایس چرچ دے سارے رکنوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے
رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں
اوہدا انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔